

沈氏尊生書卷十

傷寒論綱目

陽明經

循衣摸床

沈金鰲輯

綱 仲景曰。太陽中風。以火發汗。邪風被火。兩陽相熏。其身發黃。陽盛則欲衄。陰虛則小便難。但頭汗出口乾咽爛。或不大便。久則譫語。甚者至噦。手足躁擾。捻衣摸床。小便利者可治。傷寒若吐若下後不解。不大便。五六日上至十餘日。日晡所發潮熱。不惡寒。獨語如見鬼狀。若劇者發則不識人。循衣摸床。怵惕而不安。微喘直視。脉弦者生。澁者死。微者但發熱譫語者。大承氣湯主之。若一服利止後服。

目 許叔微曰。有人病傷寒。小便不利。日晡潮熱。手循衣縫。兩手

撮空直視喘息醫見之皆走此誠惡候得之者十中九死仲景雖有症而無法但云脉弦者生瀉者死已經吐下難以下藥謾且救之若大便秘得通而脉弦者庶可治與小承氣一服而大便秘利諸疾漸退脉且微弦半月愈或曰下之而脉弦者生此何意也余曰金匱云循衣妄撮怵惕不安微喘直視脉弦者生澁者死承氣湯主之余嘗觀錢仲陽小兒直訣云尋衣領及捻物者肝熱也此症在金匱列于陽明部蓋陽明者胃也肝有熱滯于胃經故以承氣瀉之且得弦脉則肝平而胃不受尅此所謂有生之理讀仲景論不能博通諸方書以發明隱奧不可也

王好古曰許學士作循衣撮空是肝熱風滯未疾此論誠當然莫若以爲肺熱之邪其人必妄言亂語難經云肺邪入心爲譫語也

趙嗣真曰。此條分三截看。自起句至如見鬼狀一截。是將潮熱
譫語不惡寒不大便對爲現症。下又分兩截。以辨微劇之殊。微
者但發熱譫語。但字爲義。以發熱譫語之外。別無他症。用承氣
曰一服利止後服。見其熱輕。猶恐過下也。若劇者起至澀者死。
此熱極危症。不可不決其生死。此陽熱已極。若脉弦爲陰未絕。
猶可下之以復其陰。脉澀爲陰絕。不必藥矣。

王肯堂曰。循衣摸床。危惡之候也。有二症。一由太陽中風。以火
劫汗。因成壞病。捻衣摸床。此則小便利者生。不利者死。一由陽
明裡熱之極。循衣摸床。此則脉弦者生。脉澀者死也。

鰲按。婁全善云。嘗治循衣摸床數人。皆用大補氣虛之劑。惟
一人兼瞶振代。遂于補劑中畧加桂二分。亦振止脉和而愈。
此亦偏治之法耳。由于偶中。未可奉爲科律也。恐醫者見婁

氏之語。遽或效尤。以致殺人。故特識于此。閱者不可忽也。



南京中医药大学图书馆版权所有
1994

自汗盜汗

沈金鰲輯

綱仲景曰陽明病發熱汗出此爲熱越不能發黃也

目王肯堂曰衛氣者護衛皮膚肥寔腠理禁固津液不得妄洩邪氣干之若不能衛固于外由是津液妄洩澌澌然潤皴皴然出不因發散而自汗出也傷風則發熱自汗中暍則汗出惡風而渴風濕甚則汗多而濡言風與暑濕爲邪皆令自汗惟寒邪傷榮而不傷衛是以膚腠閉密汗不出也始雖無汗及傳入裡而爲熱則榮衛通腠理開亦令汗自出矣自汗又有表裡之別虛寔之異若汗出惡風及微惡寒者皆表未解宜發散至于漏不止而惡風及發汗後而惡寒者表虛也宜溫之此皆邪氣在表若汗出惡風寒者此表解裡病下之則愈如本條及陽明發熱汗出急下之條是也自汗雖常症或汗出髮潤如油如珠着



身不流。皆不治。必手足俱周。遍身悉潤。皦皦然一時汗出。熱已身涼。乃爲佳兆。

魏荔彤曰。陽明病。本應發熱汗出。則太陽傳入之邪。發越于外。故胃津內耗。而邪熱在胃漸寔。雖能成胃寔之正病。却無發黃之變病也。

綱

仲景曰。陽明病。外症云何。荅曰。身熱汗自出。不惡寒。反惡熱也。

問曰。病有得之一日。不發熱而惡寒者。何也。荅曰。雖得之一日。惡寒將自罷。卽自汗出而惡熱也。問曰。惡寒何故自罷。荅曰。

陽明居土中也。萬物所歸。無所復傳。始雖惡寒。一日自止。此爲

陽明病。傷寒轉屬陽明者。其人漃然微汗出也。汗出身熱。

不惡寒。便譫語者。宜承氣湯。陽明病發熱汗多者。急下之。

宜大承氣湯。

目王肯堂曰此身熱汗出不惡寒屬裡爲陽明本症中風則有汗傷寒則無汗惟入陽明乃有汗故曰陽明病法多汗若兼便鞭譫語者下之

魏荔彤曰首條陽明病是由太陽中風而傳入者二條是由太陽傷寒而傳入者可知傷寒之惡寒爲無汗而中風之惡寒爲汗自出也可知陽明之由傷寒傳入初得尙惡寒陽明之由中風傳入初得尙惡風迨至汗自出而惡熱則無論風寒皆已傳入陽明無疑也太陽中風則發熱惡風汗自出爲正症太陽傷寒則惡寒無汗爲正症今傳入陽明則但以汗出惡熱爲正症也太陽病有惡風惡寒傳陽明則變爲惡熱此太陽陽明之大關鍵也故一日惡寒二日自止所謂萬物歸土者祇因表邪變熱由太陽之經絡近陽明在表初變熱必已犯陽明之經矣

及熱入裡。有不犯陽明之腑乎。再胃主容納。物入其中。必稍停畜。方下大腸邪熱入。亦如是無二理。此所以曰萬物所歸。又曰無所復傳也。無所復傳。正言胃成寔結耳。若邪入氣足升散。自有少陽門戶。何謂無傳。惟其寔結已成。則非推蕩不行。故無所復傳。正欲言傳以求得傳示人而已。太陽中風病。具亦名傷寒。其人原當自汗出。而病亦未解。忽自汗出者。漸覺濇濇然汗出而微。是太陽中風以汗出而微爲轉屬陽明成胃寔之候也。陽明病胃熱已盛。結而成寔。乃正陽陽明之正症。急當攻下之。蓋以陽明爲病。而發熱汗出者。初病也。胃成寔否。尚未可定。迨發熱久而汗出多。則津液內耗。邪熱大熾。必腸乾屎鞭而成寔矣。此不急攻。真爲無所復傳之症矣。故必急用大承氣。此爲汗之自出。津亡者言也。

仲景曰陽明脉浮而緊咽燥口苦腹滿而喘發熱汗出不惡寒反惡熱身重若發汗則心憤憤反譫語若加燒針必怵惕煩躁不得眠若下之則胃中空虛客氣動膈心中懊懣舌上胎者梔子豉湯主之若渴欲飲水口乾舌燥者白虎人參湯主之若脉浮發熱渴欲飲水小便不利者猪苓湯主之

目成無已曰脉浮發熱口苦者邪在表脉緊自汗腹滿不惡寒者邪在裡此表裡俱有邪宜和解

王肯堂曰自汗而兼脉浮緊口苦者忌汗下針宜和解

魏荔彤曰梔豉湯是仍以太陽治表洩熱之法治陽明可見非拘拘端治陽明者可愈陽明病也白虎人參湯生津滌熱熱去津回而汗出治陽明即所以治太陽陽明也猪苓湯導水清熱滋乾未嘗及太陽之表而太陽之府邪去氣宣其表亦不待再

治。是。又。治。太。陽。之。府。卽。所。以。治。太。陽。之。表。而。治。太。陽。之。表。正。所。以。治。太。陽。陽。明。又。可。見。非。拘。拘。端。治。陽。明。可。愈。陽。明。病。也。

綱仲景曰陽明病欲食小便反不利大便自調其人骨節疼翕翕如有熱狀奄然發狂漑然汗出而解此水不勝穀氣與汗共并脈緊則愈陽明病若中寒不能食小便不利手足漑然汗出此欲作瘕瘕必大便初鞫後溏以胃中冷水穀不別故也

目王肯堂曰此自汗而兼小便不利者當分欲食不欲食欲食者宜桂枝湯羌活湯不欲食者宜吳茱萸湯理中湯

魏荔彤曰此原本中風而病兼水濕者陽明病欲食此由中風而成然陽明宜大便難今小便反不利大便反調又骨節疼如有熱狀而非大熱則皆風兼濕爲患也夫欲食仍兼風象小便不利則濕盛大便自調則熱輕骨節疼爲濕多熱狀爲熱少此

洵風濕與熱雜合而成之陽明俱不可作胃熱論治者也。迨至風邪所變之熱入裡而發透表而汗出。陽明病亦遂解矣。蓋胃家熱邪既爲濕間不能成寔。欲食而得食。則胃家之穀氣卽能扶正。不解而自解。故水濕之邪因穀氣得養。卽爲退舍。且能併力于汗。俾熱邪透表而愈。水濕其罪之魁而功之首乎。言脈緊者言不若病脈之緩而已。非必如傷寒之緊也。痼瘕者陰氣堅凝閉秘之症也。胃冷而水穀不別。則溫中補胃之不遑已。敢云下哉。

綱仲景曰。心下痞。大便硬。心煩不得眠。而復惡寒。汗出者。附子瀉心湯主之。太陽中風。其人熱熱汗出。發作有時。頭痛。心下痞硬。滿引脇下痛。乾嘔。短氣。汗出不惡寒者。此表解裡未和也。十棗湯主之。

目王好古曰。太陽自汗。桂枝湯。陽明自汗。白虎湯。少陰自汗。四逆湯。陽明症。身熱。目痛。鼻乾。不得眠。不惡寒而自汗。或惡熱。而尺寸俱浮者。白虎湯。

王肯堂曰。此自汗而兼心下痞者。當分惡寒不惡寒。

綱仲景曰。陽明病。其人多汗。以津液外出。胃中燥。大便必鞕。鞕則譫語。小承氣湯主之。若一服譫語止。更莫後服。陽明病發熱。汗多者。急下之。宜大承氣湯。

目朱肱曰。陽明病。法多汗。而陽明亦有反無汗之症。不可不察也。

柯琴曰。陽明主津液。所生病。故陽明病多汗。多汗胃燥之因也。

綱仲景曰。服桂枝湯。大汗出。大煩渴不解。脈洪大者。白虎加人參湯主之。傷寒發熱無汗。嘔不能食。而反汗出。濺濺然者。是轉屬

陽明也。

目朱肱曰陽明症。汗多而渴者。不可與五苓散。若汗多胃燥。猪苓復利其小便也。可與苡仁竹葉湯。

柯琴曰胃寔之病。病機在汗出多。病情在不能食。初因寒邪外束。故無汗。繼爲胃陽遽反。故反汗多。

盜汗

綱仲景曰陽明病。脉浮而緊者。必潮熱發作有時。但浮者。必盜汗出。

目朱肱曰脉浮盜汗。黃芪湯。或柴胡姜桂湯。桂枝茯苓白朮湯。王履曰盜汗者。睡而汗出也。睡則胃氣行裡。表中陽氣不緻。故津液得泄。覺則氣行于表。而汗止矣。

樓英曰雜病盜汗。責其陰虛。傷寒盜汗。由邪氣在半表裡。使然。



也。若邪氣在表。則又謂之自汗矣。經曰。微盜汗出。反惡寒者。表未解也。又陽明當作裡寔。而脉浮者。云必盜汗。是猶有表邪也。非若自汗有表裡虛寔之別。

綱

仲景曰。三陽合病。脉浮大。上關。上。但欲眠睡。合目則汗。

目。劉完素曰。關脉以候少陽之氣。太陽之脉浮。陽明之脉大。浮大之脉。上關。上。故知三陽合病也。胆熱則睡。少陰病且欲眠睡。目合則汗出。以陰不得有汗。但欲眠睡。目合則汗出。知三陽合病。胆有熱也。小柴胡湯。瀉心湯。

張元素曰。或謂此症俱屬少陽。篇中亦可用小柴胡否。荅曰。可用。夫三陽合病。其邪發見于脉也。浮者太陽大者陽明。關上者少陽也。但欲眠睡。目合則汗。此胆有熱。脉症相符。故出于少陽篇下。蓋脉浮無症不可汗。脉大無症不可下。浮大之脉俱上關。

知三陽合病而熱在胆也。胆居在半表裡。用小柴胡亦當。





南京中医药大学图书馆版权所有

頭汗 額汗 手足汗

沈金鰲輯

綱仲景曰陽明病下血譫語者此爲熱入血室但頭汗出者刺期門隨其寔而瀉之澌然汗出則愈

目朱肱曰汗出譫語者有燥屎也過經乃可下也下之早語言必亂以表寔裡虛故也病人表寔裡虛元府不開則陽氣上出汗見于頭凡頭汗出者五內乾枯胞中空虛津液少也慎不可下下之者謂之重虛然頭汗出者有數症傷寒五六日頭汗出微惡寒手足冷心下滿口不欲食大便鞕脉細者此爲陽微結必有表復有裡也脉沉亦有裡也汗出爲陽微假令純陰結不得復有外症悉入在裡此爲半在裡半在外也脉雖沉緊不得爲少陰病所以然者陰不得有汗今頭汗出故知非少陰也小柴胡湯主之傷寒五六日已汗下胸脇滿微結小便不利